

برمفده و بش بانی و مقصدی مشتمل رساله  
مختصره ده جمع و تحریر اولنوب خادم الحرمین  
سلطان البرین و خاقان البحرین مالک ملوک  
العرب و العجم بجلال العالم و الامم  
السلطان الاعظم السلطان سلیم خان  
ابن السلطان مصطفی خان خلد الله ملکه و ابدا  
سلطنته و د قرا عدا و ادام نصرتہ حضرت تبارک  
عنه علیه لرینه مورانه عرض اولمغه اجستار  
اولندی و اقصى المامول ان ينظر اليه بعين العیانه  
و القبول و علی الله التکلان و هو المعین و المستعان  
مقدمه طوب و خمیره ده اول محل رمی ایله مقصود  
الاصابه اولان نشان بینی قاج ذراع اولدیغی استغلام  
اولمق لازمدر و استخراجک اوج طریق واردر  
طریق اول احداث ایله یکم مثلث شکلده اولاز  
الت محل رمیه وضع اولنوب بر ضلع اطولنده اولاز  
خط مستقیم نشانه متوجه وضع اقصرنده اولاز  
خط مستقیم توجه ایله یکی جانبه بر علامه تعیین

اولنوب

اولنوب بعده الت مرقومه محل رمیدن رفیع اولنوب  
محل رمی ایله علامت مرقومه بینی مساحه اولنه رق  
اول الت علامته نقل اولنوب اول محله وضع  
اولنوب بعده الت مرقومه نک ضلع اقصرنده اولاز  
خط مستقیم محل رمیه تطبیق اولنوب و خطدن  
عاری ضلع ثالث اطولی نشانه متوجه قلند قد  
ضلع ثالث اول اجزا سندن قاج عدد قطع  
ایدیشه اول عدد محل رمی ایله علامه بینک  
مساحه سی قاج ذراع اولدیه اولمقد اسره  
ضرب اولنوب حاصل ضرب اولندن برخانه طرح  
اولنوب بعد الطرح باقی محل رمیه نشان بینک  
مقدار ذراعی اولور **مثلا** محل رمی ایله علامتک  
بنی یونزدراع اولوب و علامه اوزرینه بعد  
الوضع و التطبیق ضلع ثالث ضلع اول اجزا سندن  
تمش جزء قطع ایله یونز عدد تمش عدد ضرب  
اولنوب حاصل ضرب اولندن برخانه طرح اولند قد  
بعد الطرح باقی ید یونزدراع محل رمی ایله نشان

۱۰۰  
۲۰۰  
۳۰۰